

聚學軒叢書

文選箋證卷二十九

聚學軒叢書第五集

績溪胡紹煥學

貴池劉世珩校刊

司馬長卿喻巴蜀檄

妄氏臯曰釋名檄激也文心雕龍云檄者激也
宣露於外皦然明白也周語穆王將征犬戎祭
公謀父諫曰先王耀德不觀兵有威讓之令有
文告之辭雕龍所云卽檄之本源也旁證云戰
國時張儀爲檄告楚相其名始見於此紹煥按
漢書高帝紀吾以羽檄徵天下兵注檄者以木
簡爲書長尺二寸用徵召也其有急事則加以
鳥羽插之示速疾也然則檄者激也激迎其上

謂之檄

釋名檄激也下官所
以激迎其上書文也

檄者檄也宣露於

外而使人皦然明白亦謂之檄或謂之露布

後漢

書鮑宣傳注檄軍
書也若今之露布

因而徵召謂之檄

漢書申屠嘉傳為檄

召曉諭謂之檄

西樊犍之良

攷異曰犍字五臣妄添此注引文穎曰犍為縣地理

志犍為郡之樊道縣也以犍為縣注樊非正文別有

犍字

故遣中郎將往賓之

史記索隱引賈逵曰賓伏也按伏與服通楚語其不

賓也久矣韋注賓服也禮記樂記諸侯賓服賓亦服

也古人自有複語耳

聞烽舉燧燔

注張揖曰晝舉烽夜燔燧顏注引孟康曰烽如覆米
奠縣著挈皋頭有寇則舉之燧積薪有寇則燔然之
也後漢書光武帝紀注邊方備警急作高土臺臺上
作桔槔桔槔頭有兜零以薪草置其中常低之有寇
卽燃火舉之以相告曰烽多積薪寇至卽燔之望其
煙曰燧按諸說並烽燧有別然通言之則燧卽烽後
漢書西羌傳注燧烽是也

陳孔璋爲袁紹檄豫州

父嵩乞匄攜養因賊假位

注善曰魏志曰曹騰養子嵩官至太尉莫能審其生出本末按裴注云嵩夏侯氏之子夏侯惇之叔父是太祖與惇爲從父兄弟御覽九十三引郭頒世語並同何氏焯曰范書宦者傳嵩靈帝時貨賂中官及輸西園錢二億萬故位至太尉

操贅閹遺醜

注善曰贅謂假相連屬也張氏雲璈曰漢書嚴助傳注淮南俗賣子與人作奴婢名贅子操父嵩夏侯氏爲中常侍曹騰養子故云贅也

獬狔鋒協

後漢書魏志注獬並作獬協作狹按獬字書所無當

涉狡字誤從犬旁標輕也言輕狡鋒利也章懷注鋒
俠言其如鋒之利也何氏焯校協改俠是也

獎蹶威柄

注善曰魏志作獎蹶

蹶當作就此後人依正文改之

蹶就也今後漢

書作就按作蹶是也蹶之言促也言獎促其威柄也
蹶與蹴古字通當本作蹶或作蹴後脫足旁遂譌作
就若本作就無緣復譌爲蹶以是明之

專行脅遷當御省禁

注善曰脅遷謂迫脅天子而遷徙也後漢書魏志注
無當御二字按當御省禁四字文不成義據注亦無
當御字此本以操便放志專行句脅遷省禁句當御

二字不當有是五臣所增銑注當御謂萬事當自理之不令上知謬矣

如律令

旁證云漢聞熹長韓仁碑末亦有此三字蓋漢人公移中語前漢書朱博傳口占檄文東觀餘論載漢破羌檄皆有之武氏億授堂金石跋云今道家符呪襲此語世多昧其效漢制官府文書紹煥按搜神記律令周穆王時人善走死爲雷部小鬼桂苑叢談亦云律令雷邊鬼捷與雷同速是律令乃至捷者漢官制公移中用之卽此意故今道家符呪亦襲之

檄吳將校部曲

要領不足以膏齊斧

注善曰漢書音義服虔曰易曰喪其資斧未聞其說
張晏曰斧鉞也以整齊天下應劭曰齊利也虞喜志
林曰齊側皆反凡出師必齊戒於廟受斧故曰齊斧
也按易旅釋文云子夏傳及眾家並作齊斧又引張
晏曰齊整齊也虞翻注與爲齊是諸家於旅之得其
資斧並作齊故服氏引以爲注也然則謂之齊者取
整齊之義故又謂之蕭斧本書魏都賦蕭斧戢柯以
桺刃蕭蕭也蕭與齊義同左文二年傳注齊肅也楚
語明齊整以耀之臨齊肅連言可證善旣引張應注
以釋齊義復引虞喜志林

見易旅
釋文

讀側皆反未免歧

出善注服氏引易資當
作齊正與正文相應

身罄越軍

六臣本越作六旁證云禮記文王世子則磬於甸人
鄭注懸縊殺之曰磬磬與罄通左哀二十二年傳越
滅吳請吳王居甬東辭曰孤老矣焉能事君乃縊越
人以歸是夫差實自縊於越之軍中故云注引陸賈
語既有參差於身罄語亦未晰

致天下誅

旁證云郝經續季漢書引作致夫之誅是也

夫鷺鳥之擊先高

六臣本鷺作擊無中之擊二字是也

張遼侯成

旁證云侯成見魏志呂布傳裴松之注引九州春秋
初布騎將侯成云云善注未及良注侯成小吏非也
懷寶小惠

注善曰論語曰好行小惠按論語作小慧釋文魯讀
慧爲惠今從古集解引鄭注小慧謂小小之才智善
從魯論作惠則以惠爲恩惠矣恐非

檄到詳思至言

按孔璋前爲本初作檄告劉備極言曹公失德至斥
爲贅闖遣醜後歸曹公代尚書令荀彧檄吳將校部
曲一則云丞相秉鉞鷹揚順風烈火再則云丞相銜

奉國威爲民除害終則云丞相深惟江東舊德名臣
頌揚曹公幾欲擬於湯武又言疆如一袁皆伏鈇嬰
鉞首腰分離竊思本初使孔璋典文章作記室雖無
眷眷舊恩然受知故主前檄猶在口血未乾勢已至
此豈僚屬所忍言而竟恬不爲怪其心事始終前後
若兩人者毋亦在楚言楚在漢言漢歟吁若孔璋者
可畏也夫

鍾士季檄蜀文

興兵新野

旁證云六臣本魏志新並作朔是也

興隆大好

按興字恐涉上興兵而誤魏志作與是也

蜀侯見禽於秦

旁證云魏志侯作相壯二字史記秦本紀相壯殺蜀侯來降姜氏舉曰秦笱云起兵伐蜀十月取之遂定蜀蜀主更號於侯而使使陳莊相蜀是莊之相秦所使而蜀侯更號未嘗見禽也華陽國志陳莊反殺蜀侯通國秦遣甘茂張儀司馬錯伐蜀誅壯是壯未嘗來蜀侯且先見殺也壯莊古通而皆與史記異

智者規福於未萌

注善曰太公金匱曰明者見危於未萌智者避禍於無形按依注則正文福字疑誤魏志規福作窺禍是

也

司馬長卿難蜀父老

結軌還轅

注善曰楚辭曰結余軫于西山王逸曰結旋也段氏
王裁曰索隱引張揖曰結屈也軌車迹也結訓屈與
王逸楚辭注結訓旋正同謂旋其西征之軌而東鄉
與還轅同意非謂車迹蓋張揖已不知軌矣紹煥按
高誘呂氏春秋注云兩輪之間曰軌此古義也邨風
苑有苦葉濟盈不濡軌此亦指兩輪閒言之故毛傳
云由軻以上上字據諸家校改爲軌引申之凡諸轍亦謂之
軌今人習知轍迹之訓而古義莫有能通曉者矣

汜濫衍溢

注張揖曰溢溢也善曰郭璞三倉解詁曰溢水聲也字林云匹寸切古漢書爲溢今爲衍非也按依注則字當爲溢後人從今本漢書改耳廣韻二十三魂溢水涌也漢書溝洫志河水溢溢顏注溢涌也廣韻二十三問溢匹問反含水溢也卽今噴字與善音合王氏念孫曰崔瑗河隄謁者箴曰溢溢滂汨後漢書陳忠傳海水盆溢漢武都太守李翕柝里橋郿閣頌盆溢口漏盆並與溢同

乃堙洪塞源

王氏念孫曰塞字後人所加湮塞也謂堙洪水之源

也史記作乃堙鴻水漢書乃堙洪源

躬腩胝無腋

王氏念孫曰躬腩胝無腋句法甚累史記作躬胝無腋集解徐廣曰胝音竹移反一作腩音秦膚理也索隱本作躬腩胝無腋張揖曰腩一作戚戚腩理也胝音丁私反漢書作躬戚無腋今文選史記索隱腩胝並載蓋緣一本作腩一本作胝而後人誤合之也顧氏廣圻曰集解徐廣曰胝腫也一作腩音湊索隱張揖曰腩一作戚戚腩理也其言一作腩一作戚皆指腋字之異不得在躬字下史記無之是也紹煥按王校精顧以腩戚爲腋之異文則讀注不熟耳徐廣云

一作腴者指臆言之故云臆腫也善引解詁云臆蹢也臆蹢義同

修誦習傳

旁證云史記漢書修並作循是也

習爽暗昧得輝乎光明

注善曰郭璞三倉解詁曰習旦旦當作且明也孔安國尙

書傳曰昧早旦也爽明也按習爽與暗昧義同此言

習爽暗昧得輝乎光明也說文昞尙冥也尙書太甲

惟先王昧爽丕顯昧爽連文疑爽亦昧也故云坐以

待旦正義曰昧是昏冥爽是未明昞爽卽昧爽漢書

顏注昞爽未明也郊祀志冬至昞爽注云謂日尙冥

然則昉爽暗昧並未明之狀猶封禪文之掩昧昭晰耳

猶鷦鷯已翔乎寥廓之字

王氏念孫曰之字二字後人所妄加鷦鷯二句相對爲文澤字古讀若鐸與廓爲韻史記漢書漢紀及五臣皆無之字二字紹煥按本書廣絕交論注引有之字二字與此同恐並是善所據誤本也

宋玉對楚王問

故鳥有鳳而魚有鯢

注善曰淮南子曰孟春之月其蟲鱗許慎曰鱗龍之屬也按注引淮南與正文無涉御覽九百三十六引